



თვითმმართველი თემი
თელავის მუნიციპალიტეტის საკრებულო

განკარგულება №2

2016 წლის 18 იანვარი

თვითმმართველი თემი თელავის მუნიციპალიტეტში განსახორციელებელი
2016 წლის სოციალური პროგრამების დამტკიცების
შესახებ

საქართველოს ორგანული კანონის „ადგილობრივი თვითმმართველობის კოდექსი“
მე-16 მუხლის მე-4 ნაწილის, ამავე კოდექსის მე-19 მუხლის „ბ“ ქვეპუნქტის და
საქართველოს ზოგადი ადმინისტრაციული კოდექსის 61-ე მუხლის პირველი ნაწილის
შესაბამისად,

1. საქართველოს ტერიტორიული მთლიანობისათვის მებრძოლთა, ჩერნობილის ავარიის სალიკვიდაციო სამუშაოებში მონაწილე, დაღუპულთა და დაინვალიდებულთა 18 წლამდე შვილების დახმარების პროგრამა ჩამოყალიბდეს დანართი №1-ის შესაბამისად;
2. მეორე მსოფლიო ომის მონაწილეთა, საქართველოს ტერიტორიული მთლიანობისათვის მებრძოლთა და ჩერნობილის ავარიის სალიკვიდაციო სამუშაოებში მონაწილე, მებრძოლთა დაინვალიდებულთა, დევნილთა და უპატრონო მიცვალებულთა სარიტუალო მომსახურების უზრუნველყოფის დახმარების პროგრამა ჩამოყალიბდეს დანართი №2-ის შესაბამისად;
3. სადღესასწაულო დღეებთან დაკავშირებით დახმარების პროგრამა ჩამოყალიბდეს დანართი №3-ის შესაბამისად;
4. ეკონომიკურად გაჭირვებული მოქალაქეთა ერთჯერადი ფულადი დახმარების პროგრამა ჩამოყალიბდეს დანართი №4-ის შესაბამისად;
5. საცხოვრებლად უვარგისი და ხანძრის შედეგად დაზიანებული ბინების მეპატრონეებისათვის სამშენებლო მასალების შესაძენად დახმარების გაწევის პროგრამა ჩამოყალიბდეს დანართი №5-ის შესაბამისად;
6. საცხოვრებლად უვარგისი ბინების მქონე მოქალაქეთათვის დროებითი საცხოვრებელი ბინის ქირით უზრუნველყოფის დახმარების პროგრამა ჩამოყალიბდეს დანართი №6-ის შესაბამისად;

7. შ.შ.მ.პირთა, დევნილების, მრავალშვილიანი ოჯახების და ტერიტორიული მთლიანობისათვის მებრძოლთა მარჩენალდაკარგული ოჯახების ელექტრო ენერგიით უზრუნველყოფის პროგრამა ჩამოყალიბდეს დანართი №7-ის შესაბამისად;
8. ახალშობილთა ოჯახების დახმარების პროგრამა დანართი №8-ის შესაბამისად;
9. მრავალშვილიანი ოჯახების დახმარების პროგრამა ჩამოყალიბდეს დანართი №9-ის შესაბამისად.
10. მოქალაქეთა დიალექტით მცურნალობისათვის ტრანსპორტით უზრუნველყოფის პროგრამა ჩამოყალიბდეს დანართი №10-ის შესაბამისად.
11. მუნიციპალიტეტის ტერიტორიაზე სოფლებში კერძოდ: სოფ. ლაფანყურში ნასამხრალსა და თეთრწყლებში პედაგოგთა და ბავშვთა ტრანსპორტით უზრუნველყოფის პროგრამა ჩამოყალიბდეს დანართი №11-ის შესაბამისად.
12. ეკონომიურად გაჭირვებულ მოქალაქეთა სამედიცინო მომსახურების თანადაფინანსების პროგრამა ჩამოყალიბდეს დანართი №12-ის შესაბამისად.
13. სახელმწიფო-საბიუჯეტო ორგანიზაციებში საწარმოო ტრამვის შედეგად დაზარალებულ პირებზე დახმარების პროგრამა ჩამოყალიბდეს დანართი № 13-ის შესაბამისად.
14. შ.შ.მ პირთა დაქალთა ცენტრის დახმარების პროგრამა თელავის მუნიციპალიტეტში ჩამოყალიბდეს დანართი № 14-ის შესაბამისად
15. ძალადაკარგულად გამოცხადდეს „თვითმმართველი თემი თელავის მუნიციპალიტეტში განსახორციელებელი 2015 წლის სოციალური პროგრამების დამტკიცების შესახებ“ თვითმმართველი თემი თელავის მუნიციპალიტეტის საკრებულოს 2015 წლის 30 იანვრის №1 განკარგულება.
16. განკარგულება ძალაში შევიდეს გამოქვეყნებისთანავე;
17. განკარგულების გასაჩივრება შესაძლებელია თელავის რაიონულ სასამართლოში მისი ძალაში შესვლინად ერთი თვის ვადაში (ქ. თელავი, დავით აღმაშენებლის ქ. N41).



საკრებულოს თავმჯდომარე

ქ. თელავი

პაატა გიორგობიანი

საქართველოს ტერიტორიული მთლიანობისათვის მებრძოლთა, ჩერნობილის
ავარიის სალიკვიდაციო სამუშაოებში მონაწილე, დაღუპულთა და
დაინვალიდებულთა შვილების დახმარების
პროგრამა

1. პროგრამის დაწყებისა და დამთავრების თარიღი 01 იანვარი 2016 წ.
01 იანვარი 2017 წ.
2. პროგრამის საანგარიშო წლის ბიუჯეტი 11 800 ლარი.
3. პროგრამის დაფინანსების წყარო:
თვითმმართველი თემის თელავის მუნიციპალიტეტის ბიუჯეტი.
4. საკითხის მოკლე აღწერა და მისი აქტუალობის დასაბუთება, რომლის
საფუძველზეც
დგება პროგრამა:
საქართველოს ტერიტორიული მთლიანობისათვის მებრძოლთა, ჩერნობილის
ავარიის სალიკვიდაციო სამუშაოებში მონაწილე, დაღუპულთა და დაინვალიდებულთა
შვილებს სჭირდებათ თანაგრძნობის გამოხატვა თვითმმართველი თემის თელავის
მუნიციპალიტეტის ხელმძღვანელობისაგან და ნებისმიერი ადამიანისგან. ამიტომა, რომ
მიზანშეწონილად მიგვაჩნია გაგრძელდეს საქართველოს ტერიტორიული
მთლიანობისათვის მებრძოლთა, ჩერნობილის სალიკვიდაციო სამუშაოებში მონაწილე,
დაღუპულთა და დაინვალიდებულთა შვილების დახმარების პროგრამა.

2016 წელს პროგრამაში ჩართული იქნება ომში დაღუპილის 1 მცირეწლოვანი (18
წლამდე ასაკის) ბავშვი, დაინვალიდებულთა 6 ბავშვი და ჩერნობილის სალიკვიდაციო
სამუშაოებში მონაწილეთა 3 ბავშვი.

მიზანშეწონილად მიგვაჩნია: ომში დაღუპულის მცირეწლოვან 18 წლამდე ასაკის
შვილებზე დახმარებისთვის თითოეულ ბავშვზე ერთჯერადად წელიწადში ერთხელ
1000 ლარის გაცემა, ხოლო ომის მონაწილე დაინვალიდებულთა, ჩერნობილის ავარიის
სალიკვიდაციო სამუშაოებში მონაწილე დაინვალიდებულთა შვილებზე თვითოეულზე
ყოველთვიურად 100 ლარი.

აღნიშული პროგრამის შესრულება განახორციელოს საფინანსო-საბიუჯეტო
სამსახურის ჯანდაცვის და სოციალურ საკითხთა განყოფილებამ.

5. პროგრამის მიზანი თელავის მუნიციპალიტეტში მცხოვრებ საქართველოს
ტერიტორიული მთლიანობისათვის მებრძოლთა, ჩერნობილის ავარიის სალიკვიდაციო
სამუშაოებში მონაწილე, დაღუპილთა და დაინვალიდებულთა შვილების
ყოველთვიური დახმარება მათი ეკონომიური მდგომარეობის ნაწილობრივ
გაუმჯობესების მიზნით.

6. პროგრამით მოსარგებლე პირთა (მომხმარებელთა) რაოდენობა და კატეგორია
ყოველთვიურად თვითმმართველი თემის თელავის მუნიციპალიტეტიდან მიიღებს
ფულად დახმარებას საქართველოს ტერიტორიული მთლიანობისათვის მებრძოლთა,
ჩერნობილის ავარიის სალიკვიდაციო სამუშაოებში მონაწილე, დაღუპულთა და

დაინვალიდებულთა ოჯახების ბავშვები. პროგრამაში მონაწილე ბენეფიციარებს წარმოდგენილი უნდა ჰქონდეთ:

ა) საქართველოს ტერიტორიული მთლიანობისათვის ბრძოლის და ჩერნობილის ავარიის სალიკვიდაციო სამუშაოებში მონაწილის, დაღუპულის ან დაინვალიდებულის დამადასტურებელი საბუთი;

ბ) პროგრამაში მონაწილე ბავშვის დაბადების მოწმობის ქსეროასლი

გ) დახმარების მიმღები მშობლის (მეურვის)პირადობის ქსეროასლი.


7.პროგრამის სამოქმედო გეგმა დასახული მიზნებისა და ამოცანების მიხედვით.

ა. ბენეფიციარებზე ყოველთვიური ფულადი დახმარების გაცემა, დახმარებების მიღება მოხდება საფინანსო - საბიუჯეტო სამსახურის მიერ ბანკში მშობლის ან მეურვის მიერ გახსნილ პირად ანგარიშზე ჩარიცხვის შემდეგ.

8. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას).

9.პროგრამის ბიუჯეტი: თვითმმართველი თემი თელავის მუნიციპალიტეტის ბიუჯეტი.

10. წლის განმავლობაში პროგრამაში ცვლილებები შევა საჭიროების შემთხვევაში.



მეორე მსოფლიო ომში მონაწილეთა, საქართველოს ტერიტორიული
მთლიანობისათვის მებრძოლთა და ჩერნობილის ავარიის სალიკვიდაციო
სამუშაოებში მონაწილე, დაინვალიდებულთა, დევნილთა და უპატრონო
მიცვალებულთა სარიტუალო მომსახურების უზრუნველყოფის
პროგრამა

1. პროგრამის დაწყებისა და დამთავრების თარიღი 01 იანვარი 2016 წ.
01 იანვარი 2017 წ.

2. პროგრამის საანგარიშო წლის ბიუჯეტი 4 000 ლარი.

3. პროგრამის დაფინანსების წყარო:

ა. დელეგირებული უფლებამოსილების განსახორციელებელი თანხიდან 2.0ათ. ლარი.

4. საკითხის მოკლე აღწერა და მისი აქტუალობის დასაბუთება:

თელავის მუნიციპალიტეტის გამგეობა აღნიშნავს რომ, მეორე მსოფლიო ომის მონაწილეთა, საქართველოს ტერიტორიული მთლიანობისათვის მებრძოლთა და ჩერნობილის სალიკვიდაციო სამუშაოებზე დაინვალიდებულთა, დევნილთა და უპატრონო მიცვალებულთა სარიტუალო მომსახურების უზრუნველყოფის პროგრამით მოხდება სარიტუალო თანხების გაცემა, რითაც ადგილობრივი თვითმმართველობის ორგანოს მიერ გამოიხატება თანადგომა იმ პირთა ოჯახების მიმართ, რომლებიც ერთგულად ემსახურებოდნენ ჩვენს ქვეყანას.

არანაკლებ ყურადღებას საჭიროებენ ის მოქალაქეები, რომლებიც იძულებულნი გახდენ დაეტოვებინათ თავისი მუდმივი საცხოვრებელი ადგილი ოკუპაციის, აგრესიისა და ადამიანის უფლებების მასობრივი დარღვევის გამო. ამიტომაა, რომ თელავის მუნიციპალიტეტის მიერ უკვე რამოდენიმე წელია ხდება სარიტუალო თანხის გაცემა. ყურადსაღებად მიგვაჩნია ასევე სარიტუალო თანხის გამოყოფა უპატრონო მიცვალებულზე.

აღნიშნულიდან გამომდინარე, თელავის მუნიციპალიტეტმა გადაწყვიტა პროგრამა გაგრძელდეს მიმდინარე წლის ბოლომდე, რის საფუძველზეც მეორე მსოფლიო ომში მონაწილე, საქართველოს ტერიტორიული მთლიანობისათვის მებრძოლ და ჩერნობილის ავარიის სალიკვიდაციო სამუშაოებზე დაინვალიდებულთა ოჯახებზე მოხდეს სარიტუალო თანხის გაცემა თითოეულ ოჯახზე 250 (ორასორმოცდაათი) ლარის ოდენობით, ხოლო გარდაცვლილი დევნილების და უპატრონო მიცვალებულის დაკრძალვის ხარჯებისათვის 200(ორასი)ლარის ოდენობით.

5. პროგრამის მიზანი:

თელავის მუნიციპალიტეტში მცხოვრებ მეორე მსოფლიო ომში გარდაცვლილ და ჩერნობილის ავარიის სალიკვიდაციო სამუშაოების მონაწილეების, საქართველოს ტერიტორიული მთლიანობისათვის მებრძოლთა, დევნილთა ოჯახებისათვის თანაგრძნობის გამოხატვა და დახმარება სარიტუალო თანხით, აგრეთვე უპატრონო მიცვალებულების დაკრძალვისათვის ფულადი დახმარების გაღება.

6. პროგრამების ამოცანები:

განცხადებების საფუძველზე გარდაცვლილის ოჯახის დახმარება, რისთვისაც
საჭიროა ომის და ჩერნობილის მონაწილის ოჯახის წევრმა წარმოადგინოს:

- ა) გარდაცვლილის გარდაცვალების მოწმობის ქსეროასლი;
 - ბ) ომის მონაწილის მოწმობის ქსეროასლი;
 - გ) სოციალური მომსახურების სააგენტოდან ცნობა, თუ რა სახის პენსიას იღებდა
გარდაცვლილი;
 - დ) განცხადებლის პირადობის მოწმობის ქსეროასლი;
 - ე) ჩერნობილის სალიკვიდაციო საშაოებზე მონაწილის მოწმობა ან (სამხედრო ბილეთი).
 - ვ) საბანკო რეკვიზიტიები.
იმულებით გადაადგილებული პირის გარდაცვალებისას მისი ოჯახის წევრმა უნდა
წარმოადგინოს:
 - ა) გარდაცვლილის გარდაცვალების მოწმობა ქსეროასლი;
 - ბ) დევნილის მოწმობის ქსეროასლი;
 - გ) განცხადებლის პირადობის მოწმობის ქსეროასლი.
 - ზ) უპატრონო მიცვალებულის შემთხვევაში:
 - ა) გარდაცვლილის მეზობლების ერთობლივი განცხადება;
 - ბ) გარდაცვლილის გარდაცვალების მოწმობის ასლი;
 - გ) ერთ-ერთი მეზობლის პირადობის მოწმობის ქსეროასლი;
 - დ) ადმინისტრაციულ ერთეულში გამგებლის წარმომადგენლის დასკვნა რომ
გარდაცვლილი უპატრონოა.
 - ე) საბანკო რეკვიზიტები.
7. პროგრამით მოსარგებლე პირთა კატეგორია:
- ა. მეორე მსოფლიო ომში მონაწილე;
 - ბ. ჩერნობილის სალიკვიდაციო სამუშაოებში მონაწილე;
 - გ. იძულებით ადგილნაცვალი პირი;
 - დ. უპატრონო მიცვალებული;
- ე. საქართველოს ტერიტოროული მთლიანობისათვის მებრძოლები.
8. პროგრამის სამოქმედო გეგმა დასახული მიზნებისა და ამოცანების მიხედვით:
- ა. პროგრამის ბენეფიციართა დადგენა;
 - ბ. ერთჯერადი ფულადი დახმარების გაცემა გამგეობის საფინანსო საბიუჯეტო
სამსახურის მეშვეობით;
 - გ. პროგრამის შესრულებაზე ზედამხედველობა დაევალოს თელავის მუნიციპალიტეტის
გამგეობას.



სადღესასწაულო დღეებთან დაკავშირებით დახმარების
პროგრამა

1. პროგრამის დაწყებისა და დამთავრების თარიღი 01 იანვარი 2016წ.
01 იანვარი 2017წ.
2. პროგრამის საანგარიშო წლის ბიუჯეტი 10 000 ლარი.
3. პროგრამის დაფინანსების წყარო:
თვითმმართველი თემის თელავის მუნიციპალიტეტის ბიუჯეტი.
4. პროგრამის მოვლე აღწერა და მისი აქტუალობის დასაბუთება:
აღნიშნული პროგრამა ითვალისწინებს თელავის მუნიციპალიტეტში მცხოვრები ხვადასხვა კატეგორიის მოქალაქეების საერო და რელიგიური დღესასწაულებზე ერთჯერადი ფულადი დახმარების ან საჩუქრების გადაცემას.
პროგრამას ახორციელებს გამგეობის სოციალურ საკითხთა განყოფილება.
5. პროგრამით მოსარგებლები პირთა (მომზარებელთა) კატეგორია:
 - ა. მრავალშვილიანი დედები;
 - ბ. უდედმამო ბავშვები;
 - გ. 100 წელს გადაცილებული მოხუცები;
 - დ. 9 აპრილს დაზარალებულები;
 - ე. შშმ ბავშვები;
 - ვ. სამამულო ომის მონაწილეები;
 - ზ. საქართველოს მთლიანობისათვის ომში დაღუპულთა და დაინვალიდებულთა ოჯახები;
 - თ. მარტოხელა დედები;
 - ი. დევნილები;
 - კ. ჩერნობილის სალიკვიდაციო სამუშაოებში მონაწილეები;
 - ლ. ღვაწლმოსილი პედაგოგები.
6. პროგრამის სამოქმედო გეგმა დასახული მიზნებისა და ამოცანების მიხედვით:
 - ა. პროგრამის ბენეფიციართა რაოდენობის დადგენა ხდება სოციალური დახმარების სააგენტოდან და თელავის მუნიციპალიტეტის ადმინისტრაციული ერთეულებიდან მოძიებულ სიებზე დაყრდნობით, ან მუნიციპალიტეტში შემოსული განცხადებების გათვალისწინებით;
 - ბ. ფულადი დახმარების და საჩუქრების გაცემა;
7. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას.
8. პროგრამის დაფინანსების წყარო:
თვითმმართველი თემი თელავის მუნიციპალიტეტის ბიუჯეტი.
9. წლის განმავლობაში პროგრამაში ცვლილებები შევა საჭიროების შემთხვევაში.



ეკონომიურად გაჭირვებულ მოქალაქეთა ერთჯერადი დახმარების
პროგრამა

- პროგრამის დაწყებისა და დამთავრების თარიღი 01.იანვარი 2016 წ.
01 იანვარი 2017 წ.
- პროგრამის საანგარიშო წლის ბიუჯეტი 80 000 ლარი.

3. პროგრამის დაფინანსების წყარო:

თვითმმართველი თემის თელავის მუნიციპალიტეტის ბიუჯეტი.

4. საკითხის მოკლე აღწერა, რომლის საფუძველზეც დგება პროგრამა:
- მიუხედავად ქვეყანაში სიღარიბის აღმოსაფხვრელად განხორციელებული მრავალი დევნილები, მათი მძიმე მატერიალური ყოფის შემსუბუქების მიზნით თვითმმართველი თემი თელავის მუნიციპალიტეტის გამგეობამ გადაწყვიტა გაგრძელდეს „ეკონომიურად გაჭირვებულ მოქალაქეთა ერთჯერადი ფულადი დახმარების“ პროგრამა და მისი ოდენობა განისაზღვროს 50ლარიდან 150ლარამდე. პროგრამით სარგებლობის უფლება აქვთ განასაზღვროს 50ლარიდან 150ლარამდე. პროგრამით სარგებლობის უფლება აქვთ მუნიციპალიტეტის ტერიტორიაზე რეგისტრირებულ მუდმივად მცხოვრებ მანძილზე ცხოვრობენ მუნიციპალიტეტის ტერიტორიაზე.

5. პროგრამის მიზანი:

- a. თვითმმართველი თემი თელავის მუნიციპალიტეტში მცხოვრები ეკონომიურად გაჭირვებული სხვადასხვა კატეგორიის ადამიანებისთვის ფულადი დახმარების გაწევა.

6. პროგრამის ამოცანა:

თვითმმართველი თემის ადმინისტრაციულ ერთეულში გამგებლის წარმომადგენლის ან გამგეობის სოციალურ საკითხთა განყოფილების თანამშრომლების მიერ ოჯახების გადამოწმებით, ბენეფიციართა საყოფაცხოვრებო და სოციალური მდგომარეობის შესწავლა, შესაბამისი კომისიის მიერ შერჩეული ბენეფიციარებისათვის ფულადი დახმარების გაწევა.

7. პროგრამით მოსარგებლე პირთა (მომხმარებელთა) კატეგორია:

პროგრამით შეიძლება ისარგებლოს ეკონომიურად გაჭირვებული ყველა კატეგორიის ადამიანმა.

მოქალაქეებმა უნდა წარმოადგინონ შემდეგი საბუთები:

ა) მოქალაქის განცხადება;

ბ) პირადობის მოწმობის ქსეროასლი;

გ) თვითმმართველი თემის ადმინისტრაციულ ერთეულში გამგებლის წარმომადგენლის შუამდგომლობა.

დ) სოც.სააგენტოდან ცნობა სარეიტინგო ქულების შესახებ.

შენიშვნა: მოქალაქე რომელიც არ არის რეგისტრირებული თელავის მუნიციპალიტეტის

ტერიტორიაზე წარმოადგინოს ცნობა ბოლო 1 წლის მანძილზე ცხოვრების შესახებ.

8. ფულადი დახმარებების გაცემა ხდება ეკონიმიურად გაჭირვებულ მოქალაქეებზე შესაბამისი კომისიის გადაწყვეტილებით;
9. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას.
- 10.პროგრამაში ცვლილებები შევა წლის განმავლობაში საჭიროების შემთხვევაში.
- პროგრამის განხორციელების შესახებ ინფორმაცია მუნიციპალიტეტის მოსახლეობას მიეწოდება მუნიციპალიტეტის ვებ-გვერდის და სხვა საინფორმაციო საშუალებებით.



**საცხოვრებლად უვარგისი და ხანძრის შედეგად დაზიანებული ბინების
მეპატრონეებისათვის სამშენებლო მასალების შესამენად
დახმარების გაწევის პროგრამა**

1. პროგრამის დაწყების და დამთავრების თარიღი: 01.იანვარი 2016წ
01.იანვარი 2017წ
2. პროგრამის მთლინი ბიუჯეტი 30.000 ლარი
საანგარიშო წლის ბიუჯეტი: 30.000 ლარი
3. პროგრამის დაფინანსების წყარო.
 - a. ძირითადი: თვითმმართველი თემის თელავის მუნიციპალიტეტის ბიუჯეტი.
 - b. საკითხის მოკლე აღწერა, რომლის საფუძველზეც დგება პროგრამა:
ოჯახები რომელთაც აქვთ საცხოვრებლად უვარგისი ან ხანძრის შედეგად დაზიანებული ბინები და არიან მძიმე სოციალურ ეკონომიურ მდგომარეობაში, თელავის მუნიციპალიტეტის გამგეობამ გაითვალისწინა რა მათი მძიმე მდგომარეობა, გადაწყვიტა ყოფითი პირობების გაუმჯობესების მიზნით გასცეს ფულადი დახმარება სამშენებლო მასალების შესამენად 200 დან 2000 ლარის ფარგლებში ეკონომიური მდგომარეობის მიხედვით.
 - c. პროგრამით მოსარგებლე პირთა კატეგორია:
ა. სოციალურად დაუცველი და ეკონომიურად გაჭირვებული მოქალაქეები, რომელთაც ხანძრის შედეგად გაუნადგურდათ საცხოვრებელი ან აქვთ საცხოვრებლად უვარგისი ბინები უპირატსობა მიენიჭოს 4 და მეტი 18 წლამდე ასაკის ბავშვების, შ.შ.მ პირთა და მარტოხელა მოხუცების ოჯახებს.
 - d. პროგრამის სამოქმედო გეგმა დასახული მიზნებისა და ამოცანების მიხედვით პროგრამის ბენეფიციართა რაოდენობის დადგენა და მათი სოციალური მდგომარეობის შესწავლა რისთვისაც საჭიროა თვითონეულმა განმცხადებელმა წარმოადგინოს:
 - e. განცხადება;
 - f. პირადობის მოწმობის ქსეროასლი;
 - g. ადმინისტრაციულ ერთეულში გამგებლის წარმომადგენლის შუამდგომლობა;
 - h. დ.ცნობა სოციალური მომსახურების სააგენტოდან სარეიტინგო ქულების შესახებ;
 - i. თვითმმართველი თემის თელავის მუნიციპალიტეტის საცხოვრებლად უვარგისი და ხანძრის შედეგად დაზიანებული სახლების და შენობა-ნაგებობების შემსწავლელი მუშა ჯგუფის დასკვნა (აქტის ასლი) ბენეფიციართა სახლების მდგომარეობის შესახებ.
7. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას.

საკრებულოს თავმჯდომარე



პაატა გიორგობიანი

საცხოვრებლად უვარგისი ბინების მქონე მოქალაქეთათვის დროებითი საცხოვრებელი
ბინის ქირით უზრუნველყოფის პროგრამა

1. პროგრამის დაწყების და დამთავრების თარიღი : 01 იანვარი 2016 წ

01.იანვარი 2017 წ

2. პროგრამის მთლინი ბიუჯეტი 26.400 ლარი
საანგარიშო წლის ბიუჯეტი: 26.400 ლარი

2. პროგრამის დაფინანსების წყარო:

ა. ძირითადი: თვითმმართველი თემი თელავის მუნიციპალიტეტის ბიუჯეტი.
3. საკითხის მოკლე აღწერა, რომლის საფუძველზეც დგება პროგრამა: თელავის მუნიციპალიტეტის ტერიტორიაზე რეგისტრირებული ოჯახები რომლებსაც აქვთ საცხოვრებლად უვარგისი ბინები სადაც ცხოვრება ფაქტიურად შეუძლებელია და საფრთხეს უქმნის მოქალაქეების სიცოცხლეს ან მათ ჯანმრთელობას ან საერთოდ არ გააჩნიათ საცხოვრებელი ბინები, თელავის მუნიციპალიტეტის გამგეობამ გაითვალისწინა რა მათი მძიმე სოციალური მდგომარეობა, გადაწყვიტა ამ ოჯახების წევრების უსაფრთხოების მიზნით მოხდეს მათი ბინის ქირით უზრუნველყოფა გარკვეულ დრომდე, სოფლად 50-დან 100 ლარის ბინის ქირის საფასურის გადახდით.

4. პროგრამით მოსარგებლე პირთა კატეგორია:

ა. სოციალურად დაუცველი და ეკონომიურად გაჭირვებული მოქალაქეები რომლებსაც საერთოდ არ გააჩნიათ ბინები ან იმდენად ავარიული ბინები აქვთ, რომ იქ ცხოვრება საფრთხეს უქმნის ოჯახის წევრების სიცოცხლეს. უპირატესობა მიენიჭოს მრავალშვილიან და შ.შ.მ პირთა ოჯახებს.

5. პროგრამის სამოქმედო გეგმა დასახული მიზნებისა და ამოცანების მიხედვით:

1. პროგრამის ბენეფიციართა რაოდენობის დადგენა და მათი სოციალური მდგომარეობის შესწავლა რისთვისაც საჭიროა თითოეულმა განმცხადებელმა წარმოადგინოს :

ა. განცხადება;

ბ. პირადობის მოწმობის ქსეროასლი;

გ. თელავის მუნიციპალიტეტის საცხოვრებლად უვარგისი და ხანძრის შედეგად დაზიანებული სახლების და შენობა-ნაგებობების შემსწავლელი მუშა ჯგუფის დასკვნა (აქტის ასლი) ბენეფიციართა სახლების მდგომარეობის შესახებ.

დ. ადმინისტრაციული ერთეულიდან გამგებლის წარმომადგენლის შუამდგომლობა.

ე. ცნობა სოციალური მომსახურების სააგენტოდან სარეიტინგო ქულების შესახებ;

6. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას.

საკრებულოს თავმჯდომარე



ქ უ ლ ე ბ ი ს ა ხ ე ბ ი

პაატა გიორგობიანი

მკვეთრად გამოხატული შშმ პირების, დევნილების, მრავალშვილიანი ოჯახების, ტერიტორიული მთლიანობისათვის მებრძოლთა მარჩენალდაკარგული ოჯახების და
შშ სტატუსის მქონე ბავშვების ოჯახების ელექტრო ენერგიით უზრუნველყოფის
პროგრამა

1. პროგრამის დაწყების და დამთავრების თარიღი: 01. იანვარი 2016წ

01. იანვარი 2017წ

2. პროგრამის საანგარიშო წლის ბიუჯეტი: 30 000 ლარი.

3. პროგრამის დაფინანსების წყარო:

ა. ძირითადი: თვითმმართველი თემის თელავის მუნიციპალიტეტის ბიუჯეტი.

4. პროგრამის მოკლე აღწერა რის საფუძველზეც დგება პროგრამა. თელავის მუნიციპალიტეტის გამგეობაში გაითვალისწინა რა ისეთი კატეგორიის ოჯახების მდგომარეობა როგორებიც არიან მკვეთრად გამოხატული შშმ პირები, დევნილები, მრავალშვილიანი ოჯახები (რომლებსაც ჰყავთ ოთხი და მეტი შვილი 18 წლის ასაკამდე), შშ სტატუსის მქონე ბავშვების ოჯახები და საქართველოს ტერიტორიულ მთლიანობისათვის მებრძოლთა მარჩენალდაკარგული ოჯახები. გადაწყვიტა თითოეულ, დევნილებს ამ კატეგორიის ოჯახებისათვის ყოველთვიურად დახმარების სახით გამოეყოს ელექტროენერგიის ღირებულება 8 ლარის ოდენობით რომელიც ჩაერიცხებათ კახეთის ენერგოდისტრიბუციაში გახსნილ მათ ანგარიშზე.

5. ამ პროგრამით მოსარგებლე პირთა კატეგორია:

ა. მკვეთრად გამოხატული შშმ პირები;

ბ. მრავალშვილიანი დედები რომლებსაც ჰყავთ ოთხი ან მეტი შვილი 18 წლის ასაკამდე.

გ. საქართველოს ტერიტორიული მთლიანობისათვის მებრძოლთა მარჩენალდაკარგული ოჯახები;

დ. დევნილები;

ე. 18 წლამდე შშ სტატუსის მქონე ბავშვების ოჯახები.

6. პროგრამის სამოქმედო გეგმა დასახული მიზნებისა და ამოცანების მიხედვით:

ა. პროგრამის ბენეფიციართა რაოდენობის დადგენა ს.ს.ი.კ. სოციალური მომსახურების სააგენტოს თელავის რაიონულ განყოფილებიდან მოწვდილი მკვეთრად შშ მქონე პირთა სიები სოფლების მიხედვით.

ბ. თელავის მუნიციპალიტეტის გამგეობაში არსებული მრავალშვილიანი ოჯახების სიების მიხედვით რომლებსაც ჰყავთ 18 წლის ასაკამდე 4 და მეტი შვილი, ხოლო ის ოჯახები რომლებსაც ჰყავთ 18 წლამდე ასაკის 4 და მეტი შვილი და ჩართულნი არ არიან გამგეობის პროგრამაში ცნობა წარმოადგინონ ს.ს.ი.კ. სოციალური მომსახურების სააგენტოს თელავის რაიონული განყოფილებიდან, დევნილებმა უნდა წარმოადგინონ:

ა. დევნილობის დამადასტურებელი საბუთის ქსეროასლი;

ბ. პირადობის მოწმობის ქსეროასლი;

გ. განცხადება პროგრამაში ჩართვის შესახებ;

დ. ელ. ენერგიის ქვითარი;

დ. შშ სტატუსის მქონე ბავშვის ოჯახებმა უნდა წარმოადგინონ:

- ა. შშ სტატუსის მქონე ბავშვის დამადასტურებელი საბუთი;
- ბ. ბავშვის დაბადების მოწმობის ასლი;
- გ. მმობლის პირადობის მოწმობის ასლი;
- დ. ელ. ენერგიის ქვითარი;
- ე. განცხადება ელ. ენერგიის დახმარების დაფინანსების შესახებ.



პაატა გიორგობიანი

ახალშობილთა ოჯახების დახმარების
პროგრამა

1. პროგრამის დაწყებისა და დამთავრების თარიღი 01 იანვარი 2016 წ.
01 იანვარი 2017 წ.

2. პროგრამის საანგარიშო წლის ბიუჯეტი 50 000 ლარი

3. პროგრამის დაფინანსების წყარო:

ძირითადი: თვითმმართველი თემის თელავის მუნიციპალიტეტის ბიუჯეტი.

4. საკითხის მოკლე აღწერა და მისი აქტუალობის დასაბუთება, რომლის
საფუძველზეც დგება პროგრამა:

ყველასათვის ცნობილია თუ რაოდენ მძიმე პერიოდი გაიარა საქართველომ ამ ბოლო წლების განმავლობაში, რამაც გამოიწვია მოსახლეობის მძიმე სოციალურ-ეკონომიკური მდგომარეობა, ეს კი თავისთვის აისახა ჩვენი ქვეყნის დემოგრაფიულ მაჩვენებელზე. გარკვეულწილად ამ სერიოზული ეროვნული პრობლემის მოსაგვარებლად საჭიროა სოციალურ სფეროში გატარდეს რიგი ღონისძიებები. სწორედ ამიტომა, რომ თელავის მუნიციპალიტეტის გამგეობაში მუშაობს „ახალშობილთა ოჯახების დახმარების პროგრამა“, რომლის თანახმადაც ყოველ ოჯახში 2015 წლის 1 იანვრიდან სადაც პირველი, მეორე ან მესამე ბავშვი დაიბადება გაიცემა ერთჯერადი ფინანსური დახმარება. მიზანშეწონილად მიგვაჩნია, რომ დასახელებული პროგრამა გაგრძელდეს 2016 წლის 01 იანვრიდან 2017 წლის 1 იანვრამდე, რომლის საფუძველზეც თითოეულ ასეთ ოჯახზე გაიცემა თანხა პირველ ბავშვზე 100 ლარი მეორე და მესამე ბავშვზე 150 ლარი ხოლო ტყუპების დაბადების შემთხვევაში გაიცემა 200 ლარი.

5. პროგრამის მიზანი

არსებული დემოგრაფიული მდგომარეობის გაუმჯობესების მიზნით თელავის მუნიციპალიტეტში მცხოვრებ ახალშობილთა ოჯახებზე, სადაც პირველი, მეორე ან მესამე ბავშვი დაიბადება, ერთჯერადი ფულადი დახმარება გაიცეს.

6. პროგრამის ამოცანები

ა. თელავის მუნიციპალიტეტის ტერიტორიაზე მოქმედი ოჯახის ექიმების მიერ ყოველთვიურად მოწვდილ ახალშობილთა მონაცემების მიღება.

ბ. ადმინისტრაციულ ერთეულში გამგებლის წარმომადგენლის მიერ გაცემული შუამდგომლობა(როცა მამა რეგისტრირებული არ არის თვითმმართველი თემის ტერიტორიაზე).

7. პროგრამით მოსარგებლე პირთა (მომხმარებელთა) რაოდენობა და კატეგორია:

თელავის მუნიციპალიტეტში დაბადებულ ყველა ახალშობილის ოჯახს, სადაც პირველი, მეორე ან მესამე ბავშვი დაიბადება ერთჯერადი დახმარების სახით გამოეყოფა პირველ ბავშვზე 100 ლარი მეორე და მესამე ბავშვზე 150 ლარი, ხოლო ტყუპების დაბადების შემთხვევაში 200 ლარი. ასეთი ოჯახის რაოდენობა სავარაუდოდ 2016 წლის განმავლობაში 400 ახალშობილი.

8. პროგრამის სამოქმედო გეგმა დასახული მიზნებისა და ამოცანების მიხედვით

ა. პროგრამის ბენეფიციართა დადგენა ხდება თელავის მუნიციპალიტეტის ტერიტორიაზე
მოქმედი სამედიცინო დაწესებულებებიდან ყოველთვიურად მოწვდილ ახალშობილთა
სიის მიხედვით. სიას თანდართული უნდა ჰქონდეს ახალშობილის დაბადების და მამის
პირადობის მოწმობის ქსეროასლები (ბავშვის მამის რეგისტრაციის ადგილი აუცილებელია
იყოს თვითმმართველი თემი თელავის მუნიციპალიტეტი). იმ შემთხვევაში, თუ
ახალშობილის მამა არ არის რეგისტრირებული თვითმმართველი თემი თელავის
მუნიციპალიტეტში, მაგრამ ბოლო სამი წლის განმავლობაში ოჯახით ცხოვრობს აღნიშნულ
ტერიტორიაზე რასაც შუამდგომლობით დაადასტურებს გამგებლის წარმომადგენელი
ადმინისტრაციულ ერთეულში. ამ დოკუმენტის საფუძველზე მოხდება „ახალშობილთა“
ერთჯერადი დახმარების პროგრამაში ჩართვა თუ ბავშვის დედა არის მარტოხელა დედის
სტატუსის მატარებელი, ასეთ შემთხვევაში ბავშვის დაბადების მოწმობის ქსეროასლთან
ერთად, წარმოდგენილი უნდა იქნას დედის პირადობის მოწმობის ქსეროასლი
(აუცულებელია დედა რეგისტრირებული იყოს თვითმმართველი თემი თელავის
მუნიციპალიტეტის ტერიტორიაზე).

ბ. ფულადი დახმარების გაცემა მოხდეს ბავშვის დაბადებიდან არაუმეტეს 6 თვის
მანძილზე.

გ. ერთჯერადი დახმარების მიღება მოხდება მას შემდეგ, რაც საფინანსო-საბიუჯეტო და
სოციალურ საკითხთა სამსახური თანხას გადარიცხავს ბანკში ერთ-ერთი მშობლის მიერ
გახნილ პირად ანგარიშზე.

დ. პროგრამის შესრულებაზე ზედამხედველობა დაევალოს თელავის
მუნიციპალიტეტის გამგეობას.

საკრებულოს თავმჯდომარე



მრავალშვილიანი ოჯახების დახმარების
პროგრამა

1. პროგრამის დაწყებისა და დამთავრების თარიღი 01 იანვარი 2016 წ.
01 იანვარი 2017 წ.

2. პროგრამის საანგარიშო წლის ბიუჯეტი 50 000 ლარი.

3. პროგრამის დაფინანსების წყარო:

ა) თვითმმართველი თემის თელავის მუნიციპალიტეტის ბიუჯეტი.

4. საკითხის მოკლე აღწერა:

ქვეყნის წინსვლისათვის ერთ-ერთი მთავარი საკითხი შობადობის გაზრდის ხელშეწყობაა. სამწუხაროა, რომ დღეის მდგომარეობით თელავის მუნიციპალიტეტში არცთუ ისე ბევრი მრავალშვილიანი ოჯახია, ამის მიზეზი კი ყოველდღიური ყოფით პრობლემებია. აღნიშნულიდან გამომდინარე თელავის მუნიციპალიტეტმა გადაწყვიტა გაგრძელდეს 2005 წლის მაისიდან მოქმედი მრავალშვილიანი ოჯახების დახმარების გარემონტინაცია (სადაც 18 წლამდე 4 და მეტი ბავშვია) ამასთან ოჯახების წახალისების მიზნით პროგრამა (სადაც 18 წლამდე 4 და მეტი ბავშვია) ამასთან ოჯახების წახალისების მიზნით მიზანშეწონილად მიგვაჩნია ასეთ ოჯახში თითოეულ ბავშვზე ფინანსური დახმარება ყოველთვიურად გაიცეს 30 ლარის ოდენობით.

5. პროგრამის მიზანი

თელავის მუნიციპალიტეტში მცხოვრებ მრავალშვილიანი ოჯახები რომელთა სარეიტინგო ქულა არ აღემატება 200 000 ქულას ჩართული იქნენ პროგრამაში.

6. პროგრამით მოსარგებლე პირთა რაოდენობა და კატეგორია

პროგრამით გათვალისწინებულია მრავალშვილიანი ოჯახების (სადაც 18 წლამდე 4 და მეტი ბავშვია) ყოველთვიური დახმარება. ასეთ ოჯახებში სავარაუდოთ 152 ბავშვი იქნება.

7. პროგრამის სამოქმედო გეგმა დასახული მიზნებისა და ამოცანების მიხედვით:

ა. განცხადებების შესწავლა;

მრავალშვილიანი ოჯახისთვის ფულადი დახმარების დასანიშნად საჭიროა:

1. დედის ან მამის განცხადება დახმარების დანიშვნის შესახებ;
2. მშობლების პირადობის მოწმობის ქსეროასლები;
3. ბავშვების დაბადების მოწმობების ქსეროასლები;
4. ცნობა სოციალური მომსახერების სააგენტოდან ოჯახის სარეიტინგო ქულების შესახებ;

მშობლების განქორწინების შემთხვევაში თანხა გაიცემა ბავშვების საცხოვრებელი მისამართის მიხედვით, რომელსაც წერილობით დაადასტურებს გამგებლის წარმომადგენელი შესაბამის ადმინისტრაციულ ერთეულში.

ბ. ყოველთვიური ფულადი დახმარების დანიშვნა ხდება იმ შემთხვევაში თუ ბავშვის მამა თელავის მუნიციპალიტეტშია დარეგისტრირებული, ხოლო თუ დედა მარტოხელაა, მაშინ დედა უნდა იყოს თელავის მუნიციპალიტეტში არსებულ მისამართზე დარეგისტრირებული. დახმარებების მიღება მოხდება გამგეობის საფინანსო სამსახურის

მიერ ყოველთვიურად ბანკში ერთ-ერთი მშობლის მიერ გახსნილ პირად ანგარიშზე ჩარიცხვის შემდეგ.

გ. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას.



მოქალაქეთა დიალეზით მკურნალობისათვის ტრანსპორტით
უზრუნველყოფის პროგრამა

1. პროგრამის დაწყების და დამთავრების თარიღი: 01.იანვარი 2016 წ
01იანვარი 2017წ

2. პროგრამის საანგარიშო წლის ბიუჯეტი 21 000-00 ლარი.

3. პროგრამის დაფინანსების წყარო.

ა. ძირითადი: თვითმმართველი თემის თელავის მუნიციპალიტეტის ბიუჯეტი.

4. საკითხის მოკლე აღწერა რომლის საფუძველზეც დგება პროგრამა:

მიუხედავად სახემწიფოს მიერ გატარებული მთელი რიგი ღონისძიებებისა ჯანდაცვის სფეროში კვლავ რჩება პრობლემები, რომლის მოგვარებაზე ზრუნვა ადგილობრივი ხელისუფლებისაგან მოითხოვს ყურადღებას, ერთ-ერთი ასეთია დიალეზზე დამოკიდებული ავადმყოფებისათვის ტრანსპორტით უზრუნველყოფა, ამასთან დაკავშირებით თელავის მუნიციპალიტეტის გამგეობამ გადაწყვიტა დააფინანსოს დიალეზის პროგრამებში ჩართული ჩვენი მოქალაქეების ტრანსპორტირების ხარჯები, თვითონეული მოქალაქე ყოველთვიურად 70 ლარის ოდენობით.

5. პროგრამის მიზანი.

ა. თელავის მუნიციპალიტეტში მცხოვრები თირკმელებით დაავადებული მოქალაქეები რომლებიც დამოკიდებულნი არიან დიალეზზე მათი ტრანსპორტით უზრუნველყოფა.

6. პროგრამის ამოცანა:

განცხადებების საფუძველზე ბენეფიციარების სიების დადგენა და მათი რაოდენობის განსაზღვრა.

7. პროგრამით მოსარგებლე პირთა კატეგორია:

პროგრამით შეიძლება ისარგებლონ ეკონომიურდ გაჭირვებულმა ყველა კატეგორიის ადამიანებმა.

8. პროგრამაში ჩართვისათვის საჭირო დოკუმენტაცია:

ა. განცხადება;

ბ. პირადობის მოწმობის ქსერონასლი;

გ. ცნობა ფორმა IV-100 (დედანი), რომელშიც მითითებული იქნება სამედიცინო დაწესებულების დასახელება სადაც გადის მკურნალობას.

დ. ბანკიდან ანგარიშის რეკვიტები.

9. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას.

10. წლის განმავლობაში პროგრამაში ცვლილებები შევა საჭიროების შემთხვევაში.

საკრებულოს თავმჯდომარე:



ნიშან გ. ბუნება

პაატა გიორგობიანი

თელავის მუნიციპალიტეტის ტერიტორიაზე სოფლები კერძოდ სოფ. ლაფანურში
ნასამხარსა და თეთრწყლებში პედაგოგთა და ბავშვთა ტრანსპორტით
უზრუნველყოფის პროგრამა

1. პროგრამის დაწყების და დამთავრების თარიღი: 01. იანვარი 2016 წ
01. იანვარი 2017 წ.
2. პროგრამის საანგარიშო წლის ბიუჯეტი 25 000 ლარი.
3. პროგრამის დაფინანსების წყარო :
ა. თვითმმართველი თემის თელავის მუნიციპალიტეტის ბიუჯეტი .
3. საკითხის მოკლე აღწერა:
თელავის მუნიციპალიტეტის სოფლების განვითარების და განათლების დონის ამაღლების ხელშეწყობის მიზნით, სოფლებში როგორიც არის სოფ. ლაფანური ნასამხრალი და თეთრწყლები დაინიშნოს სასწავლო წლის პერიოდში დღეში ოჯახები, დღის და საღამოს რეისები მიკრო ავტობუსით პედაგოგების და მოსწავლეთა ტრანსპორტირებისთვის
4. პროგრამის მიზანი.
თვითმმართველი თემის თელავის მუნიციპალიტეტის სოფლის სკოლებში, სასწავლო პროცესის ხელშეწყობის მიზნით, მოსწავლეთა და პედაგოგებისათვის შეუფერხებელი გადაადგილების უზრუნველსაყოფად.
5. პროგრამით მოსარგებლე პირთა კატეგორია:
ლაფანურის, ნასამხრალის და თეთრწყლების სკოლების პედაგოგები ბავშვები და მომსახურე პერსონალი.
6. პროგრამის სამოქმედო გეგმა:
ა. პროგრამის სამოქმედო გეგმის მიხედვით უპირატესობა მიენიჭება ტენდერში გამარჯვებულ ფიზიკურ ან იურიდიულ პირს.
ბ. საჭიროების შემთხვევაში პროგრამაში ცვლილებები შევა წლის განმავლობაში.
9. პროგრამის შესრულებაზე ზედამხედველობა დაევალოს თელავის მუნიციპალიტეტის გამგეობას.



პაატა გიორგობიანი

ეკონომიურად გაჭირვებულ მოქალაქეთა სამედიცინო
მომსახურების თანადაფინანსების პროგრამა

1. პროგრამის დაწყებისა და დამთავრების თარიღი: 01 იანვარი 2016წ.
01 იანვარი 2017წ.

2. პროგრამის მთლინი ბიუჯეტი 146.500 ლარი
საანგარიშო წლის ბიუჯეტი: 146.500 ლარი

3. პროგრამის დაფინანსების წყარო:

ა) ძირითადი: თვითმმართველი თემის თელავის მუნიციპალიტეტის ბიუჯეტი.

4. პრობლემის მოკლე აღწერა, რომლის საფუძველზეც დგება პროგრამა:

თელავის მუნიციპალიტეტი აღნიშნავს, რომ მიუხედავად ქვეყანაში სიღარიბის აღმოსაფხვრელად განხორციელებული მრავალი ღონისძიებისა ჯერ კიდევ არიან ღარიბები და დაბალშემოსავლიანი ოჯახები, დევნილები, მარჩენალდაკარგული ოჯახები და სხვა კატეგორიის ადამიანები, რომლებიც განიცდიან ეკონომიურ გაჭირვებას. ასეთ ოჯახებში ხშირად იქმნება ჯანმრთელობასთან დაკავშირებული პრობლემები, მიუხედავად იმისა, რომ 2014 წლის თებერვლიდან საქართველოს ყველა მოქალაქე დააზღვია სახელმწიფომ, რის საფუძველზეც უტარდებათ სამედიცინო მომსახურეობა, მაგრამ საყოველთაო სადაზღვეო მომსახურება არ ითვალისწინებს ზოგიერთი დაავადების ან გამოკვლევის სრულ დაფინანსებას. მათი მძიმე მატერიალური ყოფის შემსუბუქების მიზნით თელავის მუნიციპალიტეტმა გადაწყვიტა გაჭირვებულ ოჯახებს გაეწიოთ თანადაფინანსებით დახმარება იმ შემთხვევაში თუ დაბალშემოსავლიან და ღარიბ ოჯახს შეექმნება მოულოდნელად რაიმე პრობლემა ჯანდაცვის სფეროში.

5. პროგრამის მიზანი:

ა. თელავის მუნიციპალიტეტში მცხოვრები სხვადასხვა კატეგორიის ეკონომიურად გაჭირვებული ადამიანების სამედიცინო მომსახურების ან მედიკამენტების ღირებულების თანადაფინანსება სოციალურად დაუცველი და დაბალშემოსავლიანი ფენებისათვის, კერძოდ მარტოხელა დედები, შ.შ.მ პირების ოჯახები, მრავალშვილიანი ოჯახები, ტერიტორიული მთლიანობისათვის მებრძოლთა ოჯახები და ისეთი ოჯახები რომლებიც არ არიან გაჭირვებულები, მაგრამ მოულოდნელად შეექმნათ ისეთი ჯანდაცვის პრობლემა რომლის გადაწყვეტასაც ვერ ახერხებს ოჯახი დამოუკიდებლად.

6. პროგრამის ამოცანა:

განცხადებების და შუამდგომლობის საფუძველზე ბენეფიციართა საყოფაცხოვრებო და სოციალური მდგომარეობის შესწავლა - შეფასება და ბენეფიციარებისათვის ფულადი დახმარების გაწევა.

ზემოთ აღნიშნულიდან გამომდინარე, თელავის მუნიციპალიტეტმა გადაწყვიტა პროგრამის მუშაობისათვის შექმნილი სოციალურად დაუცველი ფენებისათვის დახმარების გაწევის მიზნით კომისიის გადაწყვეტილებით მოახდინოს ეკონომიურად გაჭირვებული ადამიანების შერჩევა და ფინანსური დახმარების აღმოჩენა.

7. პროგრამით მოსარგებლე პირთა (მომხმარებელთა) კატეგორია:

პროგრამით შეიძლება ისარგებლონ ეკონომიურად გაჭირვებული ყველა კატეგორიის ადამიანებმა ან ეკონომიურად შეძლებულმა ადამიანმა, იმ შემთხვევაში თუ მას

მოულოდნელად აღმოაჩნდა ისეთი დაავადება რომელთა ბრძოლაშიც უძლური აღმოჩნდა, მათი ფინანსური მდგომარეობის მიუხედავად.

8. პროგრამის სამოქმედო გეგმა დასახული მიზნებისა და ამოცანების მიხედვით:

1. პროგრამის ბენეფიციართა დადგენა, რისთვისაც საჭიროა თითოეულმა

განმცხადებელმა წარმოადგინოს:

ა) პირადობის მოწმობის ქსეროასლი დედანთან ერთად;

ბ) ცნობა ფორმა IV-100/a; (დედანი)

გ) ანგარიშ-ფაქტურა შესაბამისი სამედიცინო დაწესებულებიდან;

დ) ცნობა სოციალური მომსახურების სააგენტოდან სარეიტინგო ქულების შესახებ

ე) ადმინიტრსციულ ერთეულში გამგებლის წარმომადგენლის შუამდგომლობა ოჯახის ეკონომიური მდგომარეობის შესახებ.

შენიშვნა: თუ მოქალაქე არ არის რეგისტრირებული ადმინისტრაციულ ერთეულში, წარმოადგინოს ცნობა ბოლო ერთი წლის ცხოვრების შესახებ.

ვ) სადაზღვეო კომპანიიდან საგარანტიო წერილის (ასლი)

შენიშვნა: თუ შესაბამის კლინიკიდან გაცემულ ანგარიშ-ფაქტურაში მითითებულია სახელმწიფოს მიერ ასანაზღაურებელი თანხა ამ შემთხვევაში არ არის საჭირო სადაზღვეო კომპანიიდან საგარანტიო წერილის ასლი.

9. თუ ეკონომიურად გაჭირვებული მოქალაქე თხოულობს მედიკამენტების შესყიდვას, საჭიროა განმცხადებელმა წარმოადგინოს:

ა) პირადობის მოწმობის ქსეროასლი დედანთან ერთად;

ბ) ადმინიტრსციულ ერთეულში გამგებლის წარმომადგენლის შუამდგომლობა ოჯახის ეკონომიური მდგომარეობის შესახებ;

გ) ცნობა ფორმა IV-100/a; (დედანი) სადაც აღნიშნული იქნება შესაბამისი მედიკამენტების ჩამონათვალი.

შენიშვნა: იმ შემთხვევაში თუ ცნობა ფორმა IV-100/a -ში მითითებულ არ იქნება საჭირო მედიკამენტების ჩამონათვალი, მოქალაქემ წარმოადგინოს ექიმისგან დაწერილი დანიშნულება.

დ) ცნობა სოციალური მომსახურების სააგენტოდან სარეიტინგო ქულების შესახებ;

ე) აფთიაქის ინვოისი(წამლების ჩამონათვალი განსაზღვრული ღირებულებით).

განცხადებებს თანდართულ დოკუმენტაციასთან ერთად იხილავს გამგების დახმარების გაწევის კომისია და იღებს გადაწყვეტილებას თუ რომელ ბენეფიციარს რა რაოდენობის თანხით გაეწევა დახმარება. სამედიცინო მომსახურეობის დახმარების თანხის ოდენობაა არაუმეტეს 500 ლარი. შენიშვნა: ისეთი სახის ოპერაციები რომელიც არ ფინანსდება სახელმწიფო საყოველთაო დაზღვევის მიერ, მაგრამ მოითხოვს აუცილებლობას, თუ პიროვნება არის შ.შ მქონე და მისი სარეიტინგო ქულები არ აღემატება 150 000 ქულას, ოპერაციის ღირებულება შეადგენს 4 000 ლარს და ზევით ასეთ კატეგორიაზე სამედიცინო დაფინანსება მოხდეს 1500 ლარამდე კომისიის გადაწყვეტილებით.

დაფინანსების მიღებისათვის საჭირო დოკუმენტაციის (განცხადების) წარდგენა ბენეფიციარის მიერ სასურველია მოხდეს სტაციონარში ჩასატარებელი სამედიცინო მომსახურეობამდე ან შესაბამისი კომისიის გადაწყვეტილებით უკიდურეს შემთხვევაში სამედიცინო მომსახურების გაწევიდან ორი კვირის ვადაში.

გამოკვლევების თანხის ოდენობაა არაუმეტეს 400 ლარი, ხოლო მედიკამენტების შეძენა მოხდება არაუმეტეს 200 ლარამდე ღირებულებით.
კომისიის მიერ განსაზღვრული თანხაზე საგარანტიო წერილი გაიცემა პაციენტის სახელზე.

ვ) ოპერაციებისა და მედიკამენტებით მკურნალობის შემთხვევაში საგარანტიო წერილის ვადა განისაზღვროს გაცემიდან 45 (ორმოცდახუთი) სამუშაო დღით. გამონაკლის შემთხვევაში თუ პრეპარატი საზღვარგარეთიდან შემოაქვთ და ხდება საგარანტიო წერილში მითითებული ვადების დარღვევა, კომისია უფლებამოსილია განიხილოს საგარანტიო წერილის ვადის გაგრძელების საკითხი.

ზ) ქიმიო და სხივურ თერაპიაზე მკურნალობის შემთხვევაში საგარანტიო წერილის მოქმედების ვადა განისაზღვროს გაცემიდან 90 (ოთხმოცდაათი) სამუშაო დღით.

თ) გამოკვლევებისა და რეაბილიტაციის სპეციალური კურსის ჩატარების შემთხვევაში თუ ხდება საგარანტიო წერილში მითითებული ვადების დარღვევა, კომისია უფლებამოსილია განიხილოს საგარანტიო წერილის ვადის გაგრძელების საკითხი.

ი) სამედიცინო დაწესებულებიდან გამგეობაში შემოსული წერილი (სადაც აღნიშნული იქნება შესრულებული სამუშაო და გამგეობის დავალიანება სამედიცინო დაწესებულების მიმართ), საფუძველზე მომზადებული ბრძანების თანახმად საფინანსო სამსახურის მიერ მოხდება სამედიცინო დაწესებულების ანგარიშზე თანხის ჩარიცხვა.

კ) სამედიცინო დახმარების თხოვნით შემოსული მოქალაქე ვალდებულია საგარანტიო წერილი წაიღოს კომისიის გადაწყვეტილების მიღების დღიდან 1 თვის ვადაში, წინააღმდეგ შემთხვევაში მოქალაქეებზე საგარანტიო წერილი აღარ გაიცემა და მოხდება მათ მიერ შემოტანილი დოკუმენტაციის ჩამოწერა.

10. წლის განმავლობაში საჭიროების შემთხვევაში პროგრამაში შევა ცვლილებები.

საკრებულოს თავმჯდომარე



ქადაგიშვილი

თაატა გიორგობიანი

**სახელმწიფო -საბიუჯეტო ორგანიზაციებში საწარმოო ტრამვის შედეგად
დაზარალებულ პირებზე დახმარების პროგრამა**

- | | |
|---|---------------------|
| 1. პროგრამის დაწყებისა და დამთავრების თარიღი | 01. ივლისი 2016 წ. |
| | 01. იანვარი 2017 წ. |
| 2. პროგრამის მთლინი ბიუჯეტი 1400 ლარ
საანგარიშო წლის ბიუჯეტი: 1400 ლარი | |
| 3. პროგრამის დაფინანსების წყარო: თელავის მუნიციპალიტეტის ბიუჯეტი. | |
| 4. საკითხის მოკლე აღწერა და მისი აქტუალურობის დასაბუთება, რომლის საფუძველზეც
დგება პროგრამა: | |

2014 წელს თელავის მუნიციპალიტეტი გაიყო და და ჩამოყალიბდა ორი თვითმმართველი ერთეული, თვითმმართველი ქალაქი თელავის მუნიციპალიტეტი და თვითმმართველი თემი თელავის მუნიციპალიტეტი. მუნიციპალიტეტში მცხოვრები მოქალაქეები, რომლებიც მუშაობდნენ სახელმწიფო საბიუჯეტო სტრუქტურებში და შეემთხვათ საწარმოო ტრამვა უმძიმესი შედეგებით, კერძოდ ინვალიდობის მკვეთრი ფორმით, შესაბამისი სოციალური პროგრამის არ არსებობის გამო შეუწყდათ საკომპენსაციო დახმარება.

გამომდინარე იქიდან, რომ ასეთი პირები იმსახურებენ სახელმწიფო თანადგომას და ფაქტიურად დარჩნენ შესაბამისი კომპენსაციის გარეშე, მათი მძიმე სოციალურ ეკონომიკური მდგომარეობის გათვალისწინებით თელავის მუნიციპალიტეტმა გადაწყვიტა, რომ აღნიშნულ პირებს ყოველთვიურად მისცეს იმ კომპენსაციის ოდენობის დახმარება, რასაც შესაბამისი უწყებიდან იღებდნენ 2015 წლის 01 იანვრამდე.

5. პროგრამის მიზანია თელავის მუნიციპალიტეტში მცხოვრები უმძიმესი საწარმოო ტრამვის შედეგად დაზარალებული პირებისათვის მძიმე სოციალურ - ეკონომიკური პირობების ნაწილობრივ გაუმჯობესება.

6. ამ პროგრამით სარგებლობენ სახელმწიფო საბიუჯეტო ორგანიზაციებში მომხდარი საწარმოო ტრამვის შედეგად დაზარალებული პირები, რომლებმაც დახმარების მისაღებად გამგეობაში უნდა წარმოადგინონ შემდეგი დოკუმენტები:

ა) პროგრამაში მონაწილე პირის პირადობის ასლი;

ბ) საწარმოო ტრამვის დამადასტურებელი დოკუმენტის ასლი, ან ცნობა სოციალური მომსახურების სააგენტოდან საწარმოო ტრავმის დადასტურების შესახებ;

გ) განცხდება დახმარების დანიშვნაზე;

დ) ცნობა ჯანმრთელობის მდგომარეობის შესახებ (ფორმა 100);

ე) ცნობა დახმარების ოდენობის თაობაზე.

6. პროგრამის სამოქმედო გეგმა დასახული მიზნებისა და ამოცანების მიხედვით.

ა) ბენეფიციარებზე ყოველთვიური ფულადი დახმარების მიღება მოხდება გამგეობის საფინანსო - საბიუჯეტო და სოციალურ საკითხთა სამსახურის მეშვეობით ბანკში დაზარალებულის მიერ წარმოდგენილ ანგარიშზე.

7. პროგრამის შესრულებაზე ზედამხედველობა დაევალოს თელავის მუნიციპალიტეტის გამგებელს.

8. შენიშვნა: შესაბამისი ორგანიზაციების მიერ კომპენსაციის აღდგენის შემთხვევაში ბენეფიციარებს შეუწყდებათ გამგეობის პროგრამიდან მიღებული კომპენსაცია.



პირველ რიგში თავისი დიდი დანიშნულებისა და პასუხისმგებლობის შესახებ უნდა გაიაზროს, რომ იგი მთავარი ძალაა ოჯახში - ამინდის შექმნის. რომ სიყვარულით, თავმდაბლობითა და დიდი მონდომებით ყველაფერს შეძლებს. უნდა ვისწავლოთ გულახდილობა და პრობლემების მოგვარება, რომ კარგი დედობა, კარგი მეუღლეობა, კარგი შვილობა - ჩვენი უპირველესი ვალია.

უნდა ვისწავლოთ ა) სწორი აზროვნება

ბ) აქტიურობა

გ) ჩვენი გარემოს სანიმუშოდ მოწყობა

დ) სიკეთის კეთება

ამას შევძლებთ ქალთა ცენტრში ჩვენი აქტიური ჩართვითა და სტუმრობით. ამაზე იზრუნებენ ფსიქოლოგები, ექიმი, პედაგოგი და სხვადასხვა საინტერესო დარგის სპეციალისტად მოწვეული სტუმრები.

შ.შ.მ პირთა და ქალთა ცენტრი

ქალთა ცენტრი მოიზიდავს და უმასპინძლებს ქალებს ასაკის შეუზღუდავად. ჩატარდება შეხვედრები, საუბრები ტრადიციული ოჯახის, მაღალ ზნეობაზე ერთგულებისა და შრომისმოყვარეობის შესახებ, რასაც საფუძვლად დაედება სარწმუნოებრივი და რელიგიური აღზრდის საწყისები (სანიმუშო ადამიანთა ცხოვრების შესწავლა-გაანალიზება, ოჯახის ტრადიციათა გაგრძელება და ა.შ.)

ქალთა ცენტრში უნდა იყოს სანიმუშოდ მოვლილი გარემო, მაქსიმალურად უბრალო, კოპტია, კომფორტული-ყოველგვარი ზედმეტი სიმდიდრის გარეშე, ყველა ქალისათვის მისაღები და მიღწევადი, თავისი იერ-სახით, სანიმუშოდ მოვლილი ეზო-ბაღითა და ყვავილნარით.

ქალებს თვალნათლივ უნდა დავანახოთ, რომ აქ, ჩვენს სოფელში, ჩვენი მონდომებითა და შრომისმოყვარეობით შეგვიძლია შექმნათ ასეთივე და უფრო უკეთესი გარემო როგორც შ.შ.მ პირებისათვის ისე მათი ოჯახებისთვის.

ასეთმა ადამიანებმა და მათი მოვლით და ზრუნვით დაკავებულმა ქალებმა უნდა იყრმნონ და გაითავისონ დიდი მოვალეობისა და თანაგრძნობის აუცილებლობა, რომ მათი საქმიანობა დიდი ვალდებულებაა და ხშირად ისინი უფრო სათნონი არიან, ვიდრე ჩვეულებრივი ქალები.

შ.შ.მ პირთა და ქალთა ცენტრმა ხელი უნდა შეუწყოს მათ ინტეგრაციას საზოგადოებაში. ისინი უნდა დარწმუნდნენ რომ მათზე ზრუნავენ, უყვართ; ქალს უნდა დავუზრუნოთ იმედი, ხალისი და სურვილი ჰქონდეს სანიმუშო ოჯახი და ჰყავდეს იდეალური შვილები, თუნდაც შ.შ.მ ქონენი, მაგრამ ბედნიერები.

თანხის გადარიცხვა მოხდება უნაღდო ანგარიშსწორების ფორმით ა.ა.ი.კ. შ.შ.მ. პირთა და ქალთა ცენტრის მიერ ბანკში გახსნილ ანგარიშზე წარმოდგენილი ხარჯთაღრიცხვის საფუძველზე.

საკრებულოს თავმჯდომარე

ნიკოლა გარებულიძე

შატა გიორგობიანი

